

QUÆST. 123. Quæ est secunda petitio?

RESP. *Veniat regnum tuum: hoc est, regas nos ita verbo & spiritu tuo, ut nos tibi magis magisq; subjiciamus: conserva & auge Ecclesiam tuam, destrue opera Diaboli, omnemq; potentiam se adversus majestatem tuam efferentem, irrita fac omnia consilia, que contra verbum tuum capiuntur, quoad plenè tandem ac perfectè regnes, cum eris omnia in omnibus.*

**D**uo nobis in omni vita sunt spectanda & sedulò quærenda:

Gloria Dei & salus Ecclesiæ.

Scopus hic est nostræ Electionis, Creationis, Redemptionis, Sanctificationis & totius vitæ. Ephes. 1. & 2. 1. Cor. 6. & 10. &c.

Et quidem *omnium* hoc est officium: in primis procerum in republica & Ecclesia.

Idque fiat ardentissimè omni loco & omni tempore; ubicunq; agamus, in quolibet vitæ statu.

Docet id Salvator noster in sua Oratione: dum primo omnium jubet nos nominis Dei sanctificationem optare.

Nunc salutem quoq; Ecclesiæ quære-  
re per regni Dei adventum,  
præcipit.

Dddd 2